

錦繡萬花谷

三十九



舊刊錦繡萬花谷

四十九冊

八。高潔

五往見布衣士

小臣稷者相公凡三往不得見公歎曰布衣之士輕爵祿則無以助萬乘之主萬乘之主不好仁義則無以下布衣之士於是五往乃得見高士傳

屋埃隊飯中

孔子絕糧子貢告於野人得米炊於壤屋有埃墨墜飯中回取食之子貢以回為竊食入問孔子曰仁人廉士窮則改節乎子曰若改節焉稱仁廉哉子貢以回食飯告子子召回曰疇昔余夢先人炊飯吾將祭焉回曰炊墨墜飯中欲食之不可惜回即食之不可祭也回出孔子曰吾之信回非獨今日所信者自目猶不可信所恃者心心猶不可恃弟子記之知人故不易矣高士傳

外門車馬跡深

陸通字接輿楚王使使聘曰請先生治江南通笑而不應妻於市來曰外門車馬跡何深通曰王遣使持金百鎰令治江南妻曰妾事先生躬耕以食親績為衣據義而動樂亦足矣今受人重祿乘人良駟食人肥濃將何以待之通曰吾不許也妻曰君使不從非忠從之又違義不如去之於是變步姓名隱居於蜀峨眉山高士傳

網羅在天

王績大業中舉孝悌廉潔授秘書省正字不樂在朝求為六合丞以嗜酒不任事時天下以亂因劾遂解去歎曰網羅在天吾且安之乃還鄉里本傳

請隸道士籍



吳筠性高鯁不耐浮沉於時去居南陽倚帝山請隸道士籍  
本傳

### 容膝之安

陳仲子字子終楚王遣使持金百鎰聘以為相仲子乃謂妻  
曰今日為相明月結駟連騎食方於前妻曰左琴右書樂在  
其中矣結駟萬騎所安不過容膝食方於前所甘不過一肉  
今以容膝之安一肉之味而懷楚國之憂亂世多害恐先生  
不保命也仲子夫妻逃去為人灌園高士傳

### 君房素癡

嚴光世祖以安車聘之侯霸使掾侯子道奉書勸戒子道曰  
子陵素高西陵宜卑體下之光發書曰君房素癡今為三公  
小小善否子道曰位居鼎足不癡也子道曰公聞先生至即  
欲詣迫於典司是以不獲光曰鄉言不癡此非癡語也天子  
三徵我來人君尚未見况人臣乎我手不能書以牀邊牘板  
與子道削書之光曰喻數語子道曰書何太少可小益也光  
曰何可益乎高士傳

### 像圖固辭不與

朱敬則張易之等集名儒撰二教珠英又繪武二思李嶠蘇  
味道李迥秀王紹宗等十八人像以為圖欲引敬則固辭不  
與世繁其為人

### 隱逸

#### 羲皇上人

陶潛曰夏月虛涼高卧北窗之下清風颯至自謂羲皇上人  
淮陽一老

漢有應曜隱於淮陽山中與四皓俱徵獨不至時人語曰關  
山四皓不如淮陽一老

漢濱老父

漢濱老父相帝幸竟陵過雲夢臨沔水百姓莫不觀者有老父獨耕不輟尚書郎南陽張溫異之使問曰人皆來觀老父獨不輟何也老父笑而不對溫下道百步自與言老父曰我野人耳不達斯語請問天下亂而立天子邪理而立天子邪立天子以父天下邪役天下以奉天子邪昔聖王宰世茅茨采椽而萬人以寧今子之君勞人自縱逸遊無忌吾為子羞之子何忍欲人觀之乎溫大慙問其姓名不告而去本傳

茅茨蓬戶

王霸字節仲太原廣武人王莽篡位棄冠帶絕交官建武中徵到尚書有司問其故霸曰天子有所不臣諸侯有所不友司徒侯霸讓位於霸霸聞陽毀之曰太原俗黨儒仲頗有其風遂止以病歸隱居守志茅茨蓬戶連徵不至本傳

隱居黿池

周黨被徵自陳願守所志帝詔曰自古明主聖主必有不賓之士周黨不受朕祿亦各有志焉其賜帛四十匹黨遂隱居黿池本傳

猿藏熊緣

段成式谷隱書事云隨樵劫猿藏隈石覩熊緣

辦百萬資

郗超每聞欲高尚隱退者輒為辦百萬資并為造立居宅在剡為戴安道起宅甚精整晉史

山谷臣

顧歡被齊高帝徵既至稱山谷臣

鹿皮巾

梁武帝賜陶隱居鹿皮巾

買印山

支道林因人就深公買印山公曰未聞巢由買山而隱世所

撰漁歌

張志和善圖山水酒酣或擊鼓吹笛砥筆輒成常撰漁歌憲

宗圖真求其歌不能致本傳

餌松栢葉

王希夷隱嵩山師黃頤學養生喜讀周易老子餌松栢葉

雜華年七十餘筋力柔彊刺史盧齊卿就謁問政荅曰已所不欲勿施於人此言足矣本傳

居士禿

朱桃椎結廬山中夏則羸冬緝木皮葉自蔽嘗織一芒屨置

道上見者曰居士禿也為鬻米茗易之本傳

茂松清泉

潘師正居逍遙谷高宗幸東都召見問所須對曰茂松清泉

臣所須也既不乏矣詔即其廬作崇堂觀卒謚體玄先生本傳

鹿皮翁

鹿皮翁淄川人為少府小史隱岑山得仙時賣藥於齊市

鹿門隱士

皮日休為鹿門隱士書六十篇

一瓢

許由居箕山唯有一瓢酌水掛于樹枝風吹瓢鳴以為煩擲

去之逸士傳

百結衣

董威在洛陽隱居白社以殘絮縷帛為衣號百結衣全上

五不可住

肅宗既還京師李泌辭去云臣有五不可住臣遇太早陛下

用臣太重恩太深功太高而跡太奇力辭果去鄴侯家傳

詩

謝公山不改陶令菊猶存苔蘚侵垂釣松篁長閉門風霜清  
吏事江海諭君恩皇甫冉逸人歸路遠弟子出山迎服藥顏  
頰駐耽書癖已成柴扉度歲月藜杖見公卿更作儒林傳遠  
應有姓名全上坐窮今古掩書堂二頃湖田一半荒荆樹有  
花兄弟樂橋林無實子孫忙龍歸曉洞雲猶濕麝過春山草  
自香向夜欲歸心萬里故園松月甲蒼蒼草堂近西郭遙  
對敬亭開枕賦海雲起簾涼山雨來高歌懷地肺遠賦憶天  
台雁學相如志終須駟馬回許渾白髮已過半無心離此溪  
先嘗山藥遍貧起草堂低為月窓從破因詩壁重泥近來常  
夜坐寂寞與僧齊項斯陶令曾此弄琴遺世情田園二畝  
紉軒冕一銖輕柔柳自無主白雲猶可耕不隨陵谷變應只

有高名全上閑如雲鶴散如仙逸士警名處處傳詩自會來

輕物象道從高後小林泉謀身只置煎茶鼎積貨唯收賣藥

錢見說新居更幽僻為憂徵詔到門前孫鄰幾任懶自掃地

更貧誰怨天有名閑富貴無事小神仙魏仲先晨惣林影開

夜戶山泉響隱去復何求無言道心長抱膝小窻深讀書

空谷響一笑有會心紛紛自雄長笠懷栖遯情閑袖經綸

手風雲僅末期猿鶴且為友我不學許由隱金靈得瓢不

飲唯掛樹又不學德義居虎丘帶瓢入市多騎牛分無玉甌

囊古錦病渴文園只瓢飲不瞰金溪新結草未須引吸如長

鯨但願金溪化為酒歲歲持瓢醉花柳並詩話梁燕欺春醉

閑猿學夜吟雲連平地起月向白波沉世人如不容我自

縱疎慵落葉憑風掃秋粳任水春花朝連郭霧雪夜隔湖鍾

身在能無事頭宜白此峯方干巢由不願仕堯舜遺人林



連十年蹤跡走紅塵回首青山入夢頻紫陌縱榮爭及睡朱  
門雖貴不如貧愁聞劍戟扶危主悶見笙歌聒醉人携取舊  
書歸舊隱野花啼鳥一般春陳搏九重城裏人中貴五等諸  
侯闕外尊爭似布衣雲水客不將名字掛乾坤詩話不信取  
清曠及來愁已空數點石泉雨一溪霜葉風業在有山處道  
成無事中酌盡一盃酒老夫顏已紅唐求

○棄官

池中龍種

龐德公子奂字世文晉太康中為祥柯太守去官歸鄉居白  
沙里鄉人宗敬之相語曰我家池中龍種來里中化其德讓  
少壯皆代老者擔襄陽記

免冠

貢禹為河南令以賊事為府官所責免冠謝禹曰冠一免豈

可復冠耶遂去官漢書

灌畦掇薪

元結父延祖不仕年過四十親姪彊勒之再調春陵丞輒弃  
官去曰人生衣食可適飢飽不宜復有所須每灌畦掇薪以  
為有生之役過此吾不思也唐書

徒步歸鄉里

肅宗為太子而左補闕薛令之兼侍讀時東宮官積年不遷  
令之書壁言禮之薄帝見復題聽自安令之即棄官徒步歸  
鄉里唐書

輕舟夜遁

呂才東臯子主績集序天下亂藩部法嚴屢被劾君歎曰羅  
網高懸去將安所遂出所受俸錢積于縣城門前託以風疾  
輕舟夜遁

放情事外

武元衡為華原令時畿輔有鎮軍督將恃恩矜功者多撓吏民元衡苦之乃稱病去官放情事外沈浮譙詠者久之德宗知其才召授比部員外郎舊史

刺史不禮

劉幽求制科中第調閬中尉刺史不禮棄官去本傳

杜門絕人事

趙光逢昭宗時為御史中丞以世亂弃官洛陽杜門絕人事

致仕

三驥輶車

趙芬字士茂拜尚書右僕射以老病出為蒲州刺史上表乞骸骨徵還京師賜以三驥輶車鳩杖被褥歸于家本史

角巾東洛

薛革除左散騎常侍年至而無疾請告角巾東洛時甚高之本史

臥振高風

蕭德言為秘書監以年老請致仕太宗詔曰所冀才德猶茂臥振高風使濟南伏生重在於茲日關西孔子故顯於當今本史

知足不辱

張霸為潁川太守謂掾史曰太守起自孤生致位郡守老氏有言知足不辱遂上病本傳

三分故祿

漢制年老致仕者三分故祿以一與之以終其身

投簪

聊欲投吾簪左太中招隱

懸車告老

遂隱丘山懸車告老蔡伯喈碑

遺愛

帝為製碑

崔圓兼劍南節度使肅宗立命與房瑄喜見素赴行在帝為製遺愛碑于蜀以寵之唐史

忠清君

亮州人為宋遊道生立祠堂像題曰忠清君

何時復來

劉陶為順陽長病免人歌之曰悵然不樂思我劉君何時復來安此下人六帖

生創祠

呂諲為荊州自景德以來處方百數十人諲最有名荆人生

創房祠及沒吏哀錢十萬從祠府西本傳

立遺愛頌

廣人為宋璟立遺愛頌璟上言頌所以傳德載功也臣之治不足紀廣人以臣富國故為溢辭徒成諂諛者欲整正之請自臣始有詔許傳本傳

人指樹而懷

吳湊為京兆尹官街樹缺所司植榆以補之湊曰榆非九衢之物亟命易之以槐及槐陰成而湊卒人指樹而懷之舊史

罷市

羊祜死南州為之罷市巷哭者聲相接晉史

去見思

何武當官無赫赫之名去後人見思本傳

錦繡萬花谷後集卷之二十一

死喪

火滅煙消

傳玄四言詩曰忽然長逝火滅煙消

為一棺土

淮南子云吾生有七尺之形死有一棺之土

託萬鬼隣

陸機侯挽歌辭曰昔居四人宅今託萬鬼隣

璵璠斂

李平子卒將以君之璵璠斂贈以珠玉孔子聞之曰送死以

寶玉是由暴屍於中原示人以姦利之端家語

說驂而賻

孔子之衛遇舊館人之喪入而哭之哀出使子貢說驂而賻

之禮記檀弓

祭服以襚

衛有太史曰抑莊寢疾公曰若疾革雖當祭必告公再拜稽

首請於尸曰有臣抑莊也者非寡人之臣社稷之臣也聞之

死請往不釋服而往遂以襚之鄭玄注曰不脫君祭服以襚

臣親賢也同上

家無珠玉為舍

李大亮卒年五十九將殮家無珠玉為舍帝哭為動本傳

解牛與給喪事

竇建德鄉人喪親貧無以葬建德方耕聞之太息遽解牛與

給喪事鄉黨異之本傳

驢鳴

孫楚字子荆與王濟為交濟死子哭之曰夫子好驢鳴乃作

一聲聲體俱似坐客皆笑之

### 棟梁折

晉衛玠卒謝琨哭之慟曰棟梁折不覺哀

### 往哭其尸

王方翼其友趙持滿誅死尸諸道親戚莫敢視方翼曰纒布哭鼓越義也周文王掩骼仁也絕交義蔽主仁何以事君遂往哭其尸具禮收葬

### 宴飲設虛位

李勉常引李巡張參在幕府後二人卒至宴飲仍設虛位唐史

### 琴筆兩絕

樂天祭微之始以詩交終以詩訣琴筆兩絕

### 葬

### 連傘山

相冢書曰青烏子稱山三重相連名連傘山葬之二千石

### 金銀鳧鶴

秦始皇葬驪山起墳高五十丈下周三泉周迴七百步以明月珠為日月人魚膏為燈燭水銀為大海金銀為鳧鶴三輔故事

### 玉匣蛟龍

漢帝及侯王送葬者皆珠襦玉匣形如鎧甲連以金縷匣上皆鏤以蛟龍鸞鳳龜麟之象時謂交龍玉匣西京雜記

### 防山

魯襄公二十年而孔子生生而叔梁紇死葬於防山在魯東由是孔子疑其父墓處史記

### 纒水

昔王季歷葬於渦水之尾纒水齧其墓見棺之前和文王曰

謹先君必欲一見群臣百姓也天故使明水見之於是出而為之張朝百姓皆見之呂氏春秋

### 北邙空擲

安定真善筭術成帝時真嘗自筭其年七十二至期果死又曰北邙青隴上孤櫬之西四丈所鑿之七尺五尺葬地也真死依言往掘得古時空擲即以葬焉西京雜記

### 朱器

梁商薨賜東園轎車未壽器銀鏤黃玉匣謝承東觀漢記

### 畫棺

和帝追封證皇太后父梁松為驤親愍侯改殯賜東園畫棺玉匣衣衾後漢書

### 祭文

#### 祭柳子厚文

維年月日韓愈謹以清酌庶羞之奠祭于亡友柳子厚之靈嗟嗟子厚而至然邪自古莫不然我又何嗟人之生世如夢一覺其間利害竟亦何校當其夢時有樂有悲及其既覺豈足追惟凡物之生不願為材犧罇青黃乃木之災子之中棄天脫馬羈玉佩瓊瑤大放歇辭富貴無能磨滅誰紀子之自著表表愈偉不善為斲血指汗顏巧匠旁觀縮手袖間子之文章而不用世乃令吾徒掌帝之制子之視人自以無前一片不復群飛刺天嗟嗟子厚今也則亡臨絕之音一何琅琅徧告諸友以寄厥子不鄙謂余亦託以死凡今之交觀勢厚薄余豈可保能承子託非我知子子實命我猶有鬼神寧敢遺墮念子永歸無復來期設祭棺前矢心以辭嗚呼哀哉尚

饗韓文公

#### 祭韓忠獻公文

惟公仁義忠厚得之自然所施所履命世之賢冠登甲科聲  
名四傳聯輝冊府表襮英躔徊翔諫署風節孤騫權升法從  
壯觀近班賊吳叛命西領中權經畫應御勤勞累年戎醜來  
庭延登樞府道德之俊同時入輔室姦塞邪剗弊除蠹謗言  
陰搖分符以去中山大鹵太行東西連開戎府彈壓羗夷天  
聲萬里雷動神馳帝思動舊召還廟堂帷幄論道海寓樂東  
仁廟晚年少陽虛位天下大本未有所繫公常深念圖建豕  
淵引古盡言山岳其意志身忘家無所顧避聖心感悟遂定  
大計合天符人英廟主器夷夏歡呼聲震天地千艱萬險公  
若平易六龍飛天帖無一事俄膺顧命今上嗣政永厚復上  
力辭大柄得殿本邦均休遂性未離闕庭西陲微擾天子詔  
公改帥咸鎬義不辭難受命戒道事寧求還復守鄉閭至始  
閏月又遷魏都時議者建青苗之令出錢取息始惠終病抗  
疏論列辭嚴義正天子動容賢路交慶四見炎涼復臨安陽  
燦燦錦衣煌煌綉裳願上印綬十拜封章宸眷深厚未頒俞  
音遽嘆逝川莫伸素志嗚呼哀哉自公之薨城邑田里老壯  
童幼咨嗟涕泗非德感人孰能如是位居將相殆將二紀萬  
鍾之祿隨得隨施姻親僑客賴公以濟蓋棺之日所餘無幾  
清白之風照曜來世其之推愚少有倫比久參賓從納顧特  
異朝教暮誨意均子弟粗有成立皆公之賜撫膺長號肝鬲  
將毀莫以叙哀痛無窮已英靈不昧敢冀歆此

祭司馬公文

左僕射贈太師溫公之靈嗚呼百世一人千載一時惟時與  
人鮮偶常竒公事仁宗百未一施獨發大議唯天我知厚陵  
之初先事而規帝欲得民一尊無私母子之間莫如孝慈人  
所難言我則易之神宗知公敬如著龜專談仁義輔以書詩

枉尺直尋願公少卑公曰天子舜禹之姿我若言利非天誰  
欺退居于洛四海是儀化及豚魚名聞乳兒二聖見公曰子  
得師付以衡石惟公所爲公亦何爲視民所宜有莠則鋤有  
疾則醫問疾所生師老兵疲和戎上策必用無疑此計一定  
太平可基譬如農夫既闢既苗投種耒粒引穫而炊宿安滿  
門公以疾辭不見十日入哭其帷天爲兩泣路人垂淚畫像  
于家飲食必祠矧我衆僚左右疇咨共載一舟喪其指維終  
天之訣寧復來思歌此莫章以侑一卮東坡

祭歐陽文忠公文

夫事有人力之可致猶不可期况乎天理之冥漠又安可得  
而推惟公生有聞於當時死有傳於後世苟能如此足矣而  
亦又何悲如公器質之深厚智識之高遠而輔學術之精微  
故形於文章見於議論豪健俊偉怪巧瑰琦其積於中者浩  
如江河之停蓄其發於外者爛如日星之光輝其清音幽韻  
淒如飄風急雨之驟至其雄辭宏快如輕車駿馬之奔馳  
世之學者無問乎識與不識而讀其文則其人可知嗚呼自  
公仕宦四十年上下往返感世路之崎嶇雖迤邐困躓鱗片  
流離而終不可掩者以其公議之是非既壓復起遂顯于世  
果敢之氣剛正之節至晚而不衰方仁宗皇帝臨朝之末年  
顧念後事謂如公者可寄以社稷之安危及夫發謀決策從  
容指顧立定大計謂千載而一時功名成就不居而去其出  
處進退又庶乎英魂靈氣不隨異物腐散而長在乎箕山之  
側與潁水之湄然天下之無貴不肖且猶爲涕泣而歔歔而  
况朝士大夫平昔遊從又予心之所嚮慕而瞻依嗚呼盛衰  
興廢之理自古如此而臨風想望不能忘情者念公之不可  
復見而其誰與歸王介甫



祭范蜀公文

仁宗在位四十二年睦而種之有得皆賢既歷三世悉為名臣今如晨星存者幾人孰如我公碩大光明導日而升燦焉長庚死生契闊公獨壽考天實耆之以歿諸老二聖嗣位仁義是施公昔所言畧行無遺維樂未和公寢不寧樂成而薨公往則瞋凡百君子願公無極胡不萬年以重王國責難之忠愛莫助之嗟我後來誰復似之吾先君子秉德不耀與公弟兄一日之少窮達不齊歡則無間先友盡矣我已白髮聞公之喪方食哽噎堂堂我公豈其云亡望公凜然猶舉我觴

蘇東坡

祭史丞相母夫人文

惟靈懿範藹乎閭里慶紀緝乎閨門早占夢燕之祥是產攀龍之傑踐公槐而擁帥鉞綵服娛親覽帝畿而還家園板輿佚老蓋一時之罕並寶五福之兼全嗟弗弔於上穹歎莫留於長謝某仰高自昔守職于茲願乘速於升堂敢薄陳於奠

畢熊子復

祭周國太夫人文

其辱前丞相之深知荷太夫人之懿德趨走門下累紀于茲每升堂拜伏或違離在外撫存問遺一均甥姪何期一日永不侍前薄酌薦誠悲號摧絕嗚呼尚享司馬公

祭呂望之母郡太文

嗚呼賢矣夫人善持門閭皓若玉雪一其終初允孝維婦允仁維姑實生才子我所歎譽秉義率法困而不偷夫人之教著不可誣歸殯窀穸無悔無愉維子之故具此俎壺嗚呼尚享王介甫

挽詞

嘉祐天子挽詞

去序三朝聖行崩萬國天憂勤無曠古治洽最長年仁壽齊  
高厚哀思罄幅員欲知千載美道德冠遺編

王安石

元豐天子挽詞

決事神明速任人金石堅天機先兆朕聖度蘊淵泉仁義生  
知性恩威獨化摧乾坤無毀息長與大名傳

鼇禁叨承詔金華侍執經微生輕草芥聖澤闊滄溟鹿性安  
林野葵心注闕庭堯雲不可望白首涕飄零

司馬光

將聖由天縱成能與鬼謀聰明初四達雋乂盡旁求一變前  
無古三登歲有秋謳歌歸子啓欽念禹功修

城闕宮車轉山林隧路歸蒼梧雲未遠姑射露先晞玉暗蛟  
龍蟄金寒鴈鷺飛老臣沱日淚湖海想遺衣

王安石

紹興天子挽詞

社稷興中否干戈靜四溟生年同 藝祖慶壽似慈寧人憶  
庚庚兆天傾九九齡向來懷夏禹今拊越山青

太極乾元父清都大帝宮宴酣忘御駿僊去任遺弓音遏堯  
仁遠曼號舜孝隆孤臣臺閣舊淚血洒春風

周丞相

韓忠獻公挽詞

心期自與衆人殊骨相知非淺丈夫獨幹斗杓環帝座親扶  
日轂上天衢鋤耨萬里山無盜衮繡二朝國有儒爽氣忽隨  
秋露盡謾憑陳迹在龜趺

兩朝身與國安危典策哀榮此一時木稼曾聞達官怕山頽  
果見哲人萎英姿爽氣歸圖畫茂德元勳在鼎彝莫府少年  
今白髮傷心無路送靈輅

王介甫

司馬文正公挽詞

元祐開皇極功歸用老成惟深萬物表不令四時行日者傾

三接天乎莫兩楹堂堂寧復有埋玉動佳城

韓獻庸公挽詞

鬱鬱高陽里生才世不孤八龍歸月日三鳳繼天衢梁壞吾  
安仰人亡道固臞空令湖海士愁絕莫生芻

黃魯直

賈魏公挽詞

功名烜赫在三朝經術從容輔漢條儒術早紆丞相紱戎寇  
再插侍中貂開倉六塔流民復出甲甘陵叛黨銷甲第紙今  
空畫像當時於此識風標

王介甫

憲肅皇后挽詞

二妃端協帝三后共興周決策天同力收功語不流權宜從  
殺禮末命尚深憂鬱鬱佳城閉終天配壽丘

陳無已

欽慈皇后挽詞

二祧從孝祀五典載虞嬪顯號追先志陰功見後人承顏親  
不待罔極痛知新未有如椽筆光容可得陳

同前

太皇太后挽詞

國賴姜任盛門歸馬鄧高關睢求窈窕卷耳念勤勞聖淑才  
難擬休明運繼遭岡原今獻卜維宸正攀號

王介甫

宮殿

太平宮

坡詩注萬申之曰胡聖保德真君傳云太宗皇帝遣起居舍人王龜從就終南山下築宮真君忽降言曰此地乃建上帝宮闕之地不可易也於是乃定凡三年宮成題曰上清太平宮東坡曾於終南太平宮溪堂讀書見本集

挂宮

挂宮漢武帝造周迴十餘里漢書曰挂宮有紫房複道通未央宮關輔記云挂宮在未央北中有明光殿土山複道從宮中西上城西至建章宮神明臺蓬萊山

蘭池

蘭池宮始皇為微行咸陽與武士四人俱夜逢盜蘭池注謂縣有蘭池宮三輔黃圖

離宮三百

秦起咸陽而西至雍離宮三百鍾虞帷帳不移而具為宮室之麗以至於此至言

宜春

本秦之離宮在長安城東南杜縣東近下杜一曰長安有宜春宮漢宮闕名

甘泉宮

黃帝治明庭注明庭甘泉也前郊祀志文帝幸甘泉師古曰甘泉在雲陽本秦林光宮前本紀武帝元鼎五年十一月辛巳冬至立泰畤於甘泉天子親郊見朝日夕月本紀元封二年詔甘泉房中生芝九莖連葉作芝房之歌前祀樂志武帝定郊祀之禮祠太乙於甘泉就陽位也同上

未央宮

未央宮周迴二十八里前殿東西五十丈深十五丈高三十  
五丈三武帝以木蘭為椽文杏為梁柱金鋪玉戶華榱管  
璫彫楹玉碣重軒鏤檻青瑣丹墀左城右平黃金為壁帶間  
以和氏珍玉風至其聲玲瓏然也 三輔黃圖

長樂宮

本秦之興樂宮也漢高皇帝始居櫟陽七年長樂宮成徙居  
長安 黃圖 秦造從修之周迴二十里前殿東西四十九丈七  
尺兩杼中三十五丈深十二丈 同上 宣帝本始四年詔神雀  
五采以萬數集長樂宮 本紀

步高望遠

亦北有步高宮長安有望遠宮 三輔黃圖

四寶

武帝為七寶牀雜寶案前寶屏風列寶帳設於桂宮時人謂  
之四寶宮 西京雜記

五柞

武帝後元二年幸盤屋五柞宮注曰有五柞樹因以名宮 漢書

長生殿

白樂天長恨歌七月七日長生殿夜半無人私語時 傳

披香殿

唐蘇世長侍宴披香殿酒酣進曰此煬帝作邪何彫麗底此  
太宗曰卿諫似直然詐也豈不知此殿我所營乃云煬帝邪  
對曰臣但見傾宮鹿臺非受命聖人所為者帝咨重其言 本傳

承明殿

漢天祿石渠典籍之府命名儒師傳講論乎六藝稽考乎異  
同又有承明金馬著作之庭 西都賦 成帝時客有薦揚雄文

似相如者上召雄待詔承明之庭注承明殿在未央宮

### 延英殿

憲宗以元稹為拾遺稹上疏願陛下時於延英間召對使盡  
所懷 通監本紀 延英記政盡漏率五六刻方退舊本紀 文宗

銳意於治每延英對宰臣率漏下十一刻凡除吏必引見訪  
問親陳得失舊本贊 嘗當盛夏對延英帝汗浹衣絳欲趨出

帝曰欲與卿講天下事乃其樂也李絳傳 德宗詔延英坐日

許百司長官二員言闕失謂之巡對本紀

### 金鑾

天寶初賀知章見李白文嘆曰子謫仙人也言於元宗召見

金鑾殿論當世事奏頌一篇帝賜食親為調羹有詔供奉翰

林李白傳

### 太極

魏有太極九龍芙蓉九華承光等殿洛陽宮殿記

### 玉堂銅柱

漢宮閣名曰長安有玉堂殿銅柱殿

### 詩

玉燭調秋氣金輿歷舊宮還如過白水更似入新豐秋潭清

晚菊寒井落疎桐舉杯延故老今聞歌大風周明帝 遙看雲

霧中刻楠映丹紅珠簾通曉日金華拂夜風欲知聲管處來

過安樂宮梁簡文帝 祕殿崔嵬拂彩霓曹司今在殿中西鈞

天雖許人間聽閭闔門多夢自迷 石門霜雪白玉殿莓苔

青 日月低秦樹乾坤繞漢宮杜甫 仗下春朝散宮中晝漏

稀 小殿黃金榜朱簾白玉鈞一聲雙日蹕春色滿皇州

祕殿開金鎖神人控玉蚪 帳殿羅衣照白袍東坡

金鑾殿上脫靴去白下門東索酒嘗斯庵 新宮實壯哉雲裏

望樓臺迢迢翔鷗仰連翩賀雀來重欄寒霧宿反井及蓮開  
砌石披新錦梁花盡早梅欲知安樂盛歌管雜塵埃陳陰鏗

寥落古行宮宮花寂寞紅白頭宮女在相對說元宗元微之

門橫金鎖悄無人落日秋聲渭水濱紅葉下山寒寂寂濕雲

如夢雨如塵崔櫓草遮回磴絕鳴鑿雲樹深深碧殿寒明

月自來還自去更無人倚玉闌干崔魯漁陽烽火照函關玉

輦匆匆下此山一曲羽衣聽不盡至今遺恨水潺潺 中原

無鹿海無波鳳輦龍旗出幸多今日故宮歸寂寞太平功業

在山河吳融野花不識采旅竹本無行雀驚疑欲曙蟬噪似

含涼何言金殿側亟奉瑤池觴江柳鍾箭日徘徊皇堂薦羽

杯橋平疑水落石迥見山開林前暝色靜花處近香來西崑

傷撫文北閣濫游陪同簟涼秋氣初長信恨何如拂黛月生

拍解鬟雲滿梳一從悲畫扇幾度泣前魚坐聽南宮樂清風

搖翠裾于武陵五帝樓臺鎖碧霞終年培養牡丹芽不防野

鹿踰垣入嚙去宮中第一花張俞

第宅

甲第

文選陸士衡詩甲第崇高闈注第一宅也 甲第高祖紀注

孟曰有甲乙次第故曰第 宣帝賜霍光甲第一區本傳

大第小第

前漢高祖紀十二年詔為列侯食邑者賜大第室吏二千石

徙之長安受小第室

治第東都

裴度治第東都集賢里作別墅具燠館涼臺號綠野堂度野

服蕭散不問人間事本傳

列第東都

唐帝五子列第東都積善坊號五王子宅

不致第宅

李元欲再世宰相有清節未嘗改治第宅本傳

無以家為

帝為霍去病治第令視之對曰匈奴不滅無以家為也本傳

買宅必窮僻

蕭何買田宅必居窮僻處為家不治垣屋曰今後世賢師吾

儉不賢母為勢家所奪前本傳

壯麗非吾心

唐河間王孝恭平江南賜甲第一區嘗語人曰吾所居頗壯

麗非吾心也當別營一區令粗足充事而已吾歿後子才也

易以守不才不為他人所利本傳

求勝地

帝求勝地為馬周創第馬周傳

安邑里第

李德裕為相帝令作詔曰學士不能悉吾意所居安邑里第

有院號起草院亭曰精思亭每計大事多處其中職官分紀

南第北第

唐鄭綯家昭國坊第在南餘慶第在北世謂南鄭相北鄭相

餘慶傳

岐王宅

杜詩岐王宅裏尋常見崔九堂前幾度聞

一區

揚雄處嶠山之陽有田一廛宅一區家貧嗜酒人希至門時

有好事者載酒肴以游學本傳

近市不可居



初齊景公欲更晏子之宅曰子之宅近市湫隘曩塵不可以居請更諸爽塏者

### 百萬買宅

南史宋季雅罷南康市宅居呂僧珍宅側僧珍問宅價曰一千一百萬雅其貴曰一百萬買宅千萬買鄰

### 治宅甲諸第

前漢田蚡為丞相驕侈治宅甲諸第田園極膏腴嘗請考工地益宅上怒曰君何不遂取武庫是後稍退

田蚡傳

### 詩

恨無揚子一區宅懶卧元龍百尺樓 揚雄未有宅王粲且

登樓 思之不可見破宅餘脩竹四鄰戒莫犯十畝森似束

東坡訪古因知彭祖宅得仙何必葛洪鄉 皇甫湜宅成天下

借圖看始笑平生眼力慳地占百灣多是水樓無一面不當

山荷深似入苕溪路石怪疑行鴈蕩間只恐中原方鼎沸天

心未遣主人閑 一生不羨買田錢華屋何心亦偶然客至

多逢僧在坐釣歸惟許鶴隨船 南嶽五湖三畝宅萬里一歸

人戴叔和

### 家室

### 五堂王家

隋王家之財帛埒於王侯有子五人各立一院棟宇崇顯邑里號為五堂王家 西京雜記

### 萬石張家

唐張文瓘拜侍郎四子潛沛洽涉父子皆至三品時謂萬石

張家 本傳

### 八九家

老杜為農詩錦里垂塵外江村八九家

百姓家

劉夢得詩去年王榭堂前燕飛入尋常百姓家

世祿家

尚書世祿之家鮮克由禮

積善家

周易坤卦積善之家必有余慶

克家

易蒙卦九二包蒙吉納婦吉子克家象曰子克家剛柔接也

浮家

唐張志和泛宅浮家又漁父詞一葉浮家萬慮空

山人家

至尊之餘合王公何事便到山人家 盧仝茶歌

三戟張家

唐張儉兄弟三人門皆立戟時號三戟張家 本傳

三戟崔家

唐崔琳羣從數十人注羣從謂眾兄弟也自興寧里謁大明

宮冠蓋騶哄相望每歲時宴于家以一榻置笏猶重積其上

琳與弟太子詹事珪光祿卿瑤俱列祭戟世號三戟崔家 本傳

三相張家

唐張嘉貞相元宗延賞相德宗弘靖相憲宗先第在東都思

順里盛麗甲當時歷五世無所增葺號三相張家 弘靖傳

書樓張家

五代周張昭遠好學積書萬卷以樓載之號書樓張家 五代史補

蘇小家

白樂天詩濤聲夜入伍員廟物色春藏蘇小家

東西施家

吳越春秋諸暨有苧蘿山若邪溪傍有東施家西施家西施  
姓施而在西越王用范蠡計獻之吳王其後滅吳蠡復取西  
施乘扁舟遊五湖而不返

天下一家

黃帝問伯高曰吾欲陶天下為一家何如管子數篇前漢高

祖紀詔曰賢士大夫定有天下以為一家高祖曰天下同

姓一家吳王濞傳文帝使兩國之民若一家子匈奴傳書云

聖人耐以天下為一家禮記禮運

胡越一家

唐太宗紀胡越一家自古未有也帝奉觴上壽

室

蘭室

與善人居如入芝蘭之室久而不聞其香與之俱化矣家語

環堵之室

禮記儒行儒有一畝之宮環堵之室篳門圭竇蓬戶墜牖坊  
衣而出并日而食又莊子原憲居環堵之室

不事一室

陳蕃嘗閑處一室而庭宇蕪穢曰大丈夫處世當掃除天下

安事一室後本傳

獨處一室

揚綰性沉靜獨處一室湛如也唐本傳

罄室

左僖二十六年室如垂罄野無青草注言居室而資糧懸盡  
在野則無蔬食之物

鮫人室

鮫人織綃於室文選

方丈之室

唐顯慶中長史王元策因向印度過淨名宅以笏量其地有  
十笏許故號方丈之室 法苑珠林

老氏藏室

學士稱東觀為老氏藏室道家蓬萊山王融曲水序曰紀言  
事於仙室謂藏室也

陋室

唐劉禹錫陋室銘山不在高有仙即名水不在深有龍即靈  
斯是陋室惟吾德馨 云云

詩

城中十萬戶此地兩三家 老杜杜子將北征蒼忙問家室

照室紅爐促曙光縈窻素月垂文練 江深竹靜兩三家多

事紅花映白花報春春光知有處應須美酒送生涯 峽內

淹留客溪邊四五家 六合已一家四夷且孤軍 隔屋喚

西家借問有酒不 傳道東柯谷深藏數十家對門藤蓋瓦

映竹水穿沙 村路飄黃葉人家濕翠微 手種桃李非無

主野老墻低還是家 羣木水光下萬家雲氣中 晚起家

何事無營地轉幽竹光團野色含影漾江流 並同 隔田知是

誰歟屋種竹渾如我所家 王三 章村蓬華兩三家籬落縱橫

被野花 古洲 堆有廩峯居第五山前盡是宰臣家 五峯 誰家

見月能閑坐何處聞燈不看來 崔液 家為買琴添舊價厨因

養鶴城晨炊 南岳 歷險不自怯玩幽到山家響環一徑幽宛

宛千峯斜 我家縣東雙劍峯霜磨雪錯明秋空祝融天柱

浪嗟賞何如此地集雲松 江西 身似舊時王榭燕一年一度

到君家 陳輔 家住龍洲綠樹東曉窻晴日見菴峯而今落泊

湖溪上却望菴峯夕照中 黃氏 尋春夜過山人家山家庭我

溪上宿一樽白酒煮黃精映月橫琴並青竹溪山人物總蕭灑三弄笛終松露下寄語嫦娥且少留水輪緩度西園頭

集茅簷竹落野人家只麼悠悠閱歲華田父把犁寒雨足牧兒吹笛晚風斜晦樵筇初無主雞豚各認家兩暗堦前路苔深林外家子東家近新富滿地布苔錢朝遊北城

東回首見脩竹下有朱門家破墻圍古屋西崦人家應最

樂黃葵燒笋餉春耕倚山脩竹有人家橫道清泉知我渴

並東獵窮傳候水邊家檀帽狐裳畏日斜千年風采凌煙

閣百代孫兒宰相家坡山北巷通南陌門連五相家水分沱

對岸墻隔樹交花有人若問閑居處道德坊中第一家

滿洛城中將相家廣栽桃李作生涯年年二月凭高望不見

人家只見花郊堯小隱園中百本花各隨紅紫發新芽東君

見借陽和力不揀公侯富貴家擊外列千區民庶巷

萬載帝王家曲尺椽亦何有而我常客居羨君開此室

容膝真有餘拊按琴動搖弄筆窻明虛東少室山人索價

高兩次諫官微不起退之照室紅爐促曙光紫窻素月垂文

練老誰持此碑入我室使我一見昏眸開張文潛

錦繡萬花谷後集卷之二十三

錦繡萬花台後集卷之二十四

樓

盤龍

鳳樓十二重四戶八綺窻繡栢金蓮花柱柱玉盤龍

魏明京洛篇

儀鳳

晉宮閣名曰總章觀儀鳳樓一所在觀上廣望觀之南極

凌雲

世說曰凌雲臺樓觀極精巧先稱平衆材輕重當具然後造構乃無錯錙銖迺相負揭臺雖高峻恒隨風搖動而終無崩墮魏明帝登樓懼其勢危別以大材扶之樓即使頽壞論者謂輕重力偏故也

樓霞

盛弘之荊州記曰城回百餘步有樓霞樓宋臨川康王置

萬歲樓

潤州城南有樓名萬歲樓廣記

萬卷樓

唐田洪起樓聚書萬餘卷

八詠

沈休文詩明月雙溪水清風八詠樓

百尺

揚大年詩危樓高百尺手可摘星辰又鄭愚詩樓高百尺堆華樓

十二樓

方士有言黃帝時爲十二樓以候神人名曰迎年上許作之前郊祀志又史記封禪書五城十二樓十洲記崑崙山有五城十二樓

十三樓

十三間樓在杭州西湖之北岸 又揚州有蜀岡之有竹西亭故東坡南柯子云山與歌眉斂波同醉眼流遊人都上十三樓不羨竹西歌吹古揚州 又汴京舊有十三樓

北顧

潤州城西有嶺入江高數十丈三百水照曰北顧蔡君謨起樓於其上

籌邊

李德裕為劔南節度使建籌邊樓

望省

唐崔日知歷職中外恨不居八座為太常卿於都寺廳後起一樓與尚書省相望謂崔公望省樓

觀風

此時新構觀風樓樓高百尺堆華棧樓南更起門雞殿神光山影相參差 津陽門詩

庾樓

晉庾亮在武昌諸佐吏殷浩之徒乘秋月往共登南樓不覺亮至便據胡床與浩等談詠 本傳

仲宣樓

晉王粲字仲宣有登樓賦登茲樓以四望焉聊暇日以消憂凭欄檻以遙望向北風而開襟又李劔州詩春風回首仲 宣樓

岳陽

杜詩昔聞洞庭水今上岳陽樓 元稹詩岳陽樓上日嚙窻影倒深潭赤玉幢

燕子樓

唐張建封有愛妓名盼盼居燕子樓張卒十餘年竟不肯嫁

能舞多以詩問答有二百首名燕子樓集

黃鶴樓

崔顥黃鶴樓詩昔人已乘白雲去此地空餘黃鶴樓黃鶴一去不復返白雲千載空悠悠 曾將黃鶴樓上吹劉禹錫詩黃鶴樓前吹笛時呂公

詩

樓下誰家燒夜香玉笙哀怨弄初涼臨風有客吟秋扇拜月無人見晚粧東坡望海樓海上濤頭一線來樓前指顧雪成堆從今潮上君須上看取銀山十二迴同上雲山煙水苦相親野草幽花各自春賴有高樓能聚遠一時收拾與閑人無限青山散不收雲奔浪卷入簾鉤直將眼力為疆界何啻人間萬戶侯 聞說樓居似地仙不知內外有塵寰幽人隱几寂無語心在飛鴻滅沒間東坡聚遠樓海山葱朧氣佳哉

二江合處朱樓開蓬萊方丈應不遠肯為蘇子浮江來江風初涼睡正美樓上啼鴉呼我起我今身出兩相違西流白日東流水樓中老人日清新天上豈有癡仙人三山咫尺不歸去一盃笑與羅浮春東坡霧崖開早日晴天歇晚虹去帆入雲裏遙星出海中梁簡文愛日尚貪毛義激望雲長繞仲宣樓胡安花時多病少歡遊午醉醒來上小樓心事十分誰會得滿川煙雨替人愁彥成金窻夾綉戶珠箔懸銀鈎李白城西有高樓屋梁染朝曦樓居者佳人餐淡足充飢王方臣

蓋黃旗外朱樓綠水中大山月裏青山淡如畫露中黃氣颯然秋危闌倚遍都忘寐祇恐星河墮八樓吳融層城有高樓制古丹牖存迢迢百餘尺豁達開四門惟有車馬客而無人世喧閬州東樓江樓四面立屏風到此詩家合用功沽酒店藏花影內打魚村在浪聲中郭震綿州州府何磊落顯慶年



中越王作孤城西北起高樓碧瓦朱甍照城郭樓下長江百丈清山頭落日半輪明君王舊跡今人賞轉見千秋萬古清杜甫越王樓歌城上新開百尺樓白雲人伴白雲遊山川半倚三吳勝江漢常吞七澤流張翥人世應無第二樓暮雲飛不到簾鉤未開寶鏡青真裏先賞冰輪碧海頭蘇軾何處飛來縹緲中人間惟有畫圖同兩層簾幕垂無地一片生歌起半空紫芝

閣

四香

揚國忠用沉香為閣檀香為闌檻射香乳香飾土為泥飾謂之四香閣春時芍藥盛開聚賓友于閣上禁中沉香亭不侔此壯麗也天寶遺事

沉香窻牖闌檻

陳後主起臨春結綺望仙之閣者以沉香木為窻牖闌檻職官分紀

凌煙

唐太宗正觀十七年圖功臣於凌煙閣本紀

麒麟

漢宣帝甘露二年單于入朝上思股肱之美廼畫其人於麒麟閣法其形貌書其官爵姓名凡十一人蘇武傳

石渠閣

施讎為博士甘露中尊五經諸儒雅論同異於石渠閣注三輔故事云石渠閣在未央殿北以藏祕書也本傳甘露中奉使問諸儒於石渠梁丘賀傳

天祿閣

天祿閣麒麟閣蕭何所造藏祕書處賢才黃圖呂王莽時揚雄校書天祿閣上治獄使者收雄雄從閣上自投幾死京師為語曰惟寂寞自投閣前揚雄傳贊

滕王芳渚

滕王者即唐高祖之子武德中出為洪州刺史喜山水酷愛蝴蝶尤攻書妙音律暇日乘青雀舸遊江漢甚得其趣自選芳渚基址不大高低得宜遠瞰湘雲近枕漢水仍便以玉而名閣焉 陳無已詩滕王蛺蝶江都馬一帑千金不當價

詩

滕王高閣臨江渚佩玉鳴鑿罷歌舞畫棟朝飛南浦雲朱簾暮捲西山雨 王勃幽人起朱閣空闊更無物惟有千萬岡東西作簾額 已泛平湖思濯錦更看橫翠憶娥眉 千層高閣侵雲漢雙派清流透石岩 手開東閣坐虛明日淨東溪照清泚素琴濁酒谷一榻落霞孤鷺供千里 東坡山中初建乘槎閣想得夜聞河漢聲天上風波應更惡不如且住小蓬瀛 月湖青玻瓈盆插千岑湘江水清無古今何處拭目窮東裏太平飛閣暫登臨 山谷飛雲閣上春應至明月樓中夜未央 上一官儀

亭

竹西亭

揚州有蜀岡岡有竹西亭坡詞云遊人都上十三樓不羨竹西歌吹古揚州

白下亭

白下縣故城在上元縣城西本江乘縣白石壘今城南有長干寺城東門有白下亭 東軒筆談

迎春亭

鄭愚津陽門詩飛霜殿前日悄悄迎春亭上風颼颼

蘭亭

紹興會稽山即今天章寺羲之作蘭亭記會于會稽山陰之

蘭亭修禊事也

休休亭

唐司空圖名亭曰休休作文見志

沉香亭

李白傳帝坐沉香亭子意有所感召白為草染章

旗亭

西京賦旗亭五里注市樓立旗又史記旗亭市樓也立旗於

柯亭

白氏六帖蔡邕宿柯亭亭屋以竹為椽盼曰良竹也取以為  
笛音聲妙絕

子雲亭

劉禹錫陋室銘南陽諸葛廬西蜀子雲亭孔子云何陋之有

歷下亭

歷下亭齊州唐之濟南郡也杜工部陪李北海宴于歷下亭  
詩云海有此亭古濟南名士多

詩

斜雨飛絲織晚風踈簾半捲野亭風荷花開盡秋光晚零落

殘紅綠沼中宋 晏霜涇江清水見魚偶來徒倚草亭孤雪天

黯淡常如晚煙樹微茫直欲無陸 倉亭近天空闊簾踈夜色

幽禽鳴竹溪曉鷺宿岸沙秋 村晚香風度亭幽過雨露

海右此亭古濟南名士多 野亭春還雜花遠漁翁眼踏孤

舟立杜 甫金鑾殿上脫靴去白下亭東索酒嘗一自青山真

漠後何人來到柳花香李 白公餘終日坐閑亭看得梅開梅

葉青可是近來踈酒盞酒瓶今已作花餅小 山綠柳陰中獅

子巷白蘋亭畔駱駝橋 幅巾清曉入西園春動園林物物

鮮却想小亭繞日出海棠花發鬢香眠斯 庵

臺

黃金臺

燕昭王置千金於臺上以延天下士謂之黃金臺 六帖

通天臺

武帝靈光室有通天臺通聖臺 二輔圖作通天臺高二十丈 志

望月臺

元宗八月十五夜與貴妃臨太液池凭闌望月不盡帝意不快遂勅左右於池之西岸別築百尺之臺吾與妃子來年望月後經祿山之變不復置焉 天寶遺事

姑蘇臺

在平江吳王所築吳都賦作姑蘇之高臺越施書曰闔廬起姑蘇臺二年聚材五年乃成又前漢伍被曰臣今見麋鹿遊姑蘇之臺也 本傳

叢臺

前鄒陽書全趙之時武力勇士袂服叢臺之下者一旦成市

注叢臺趙王臺在邯鄲

銅雀

建安十五年冬太祖乃於鄴作銅雀臺 魏志

金鳳

漸臺高二十丈南有壁門三層內殿階陛咸以玉為之鑄銅鳳皇高五丈飾以黃金樓臺上 漢武故事

鳳凰

列仙傳蕭史善吹簫秦穆公有女字弄玉妻焉教弄玉吹簫作鳳鳴居數月鳳來止其屋公為作鳳凰臺夫妻止焉一夕隨鳳飛去

一柱

江陵有臺甚大而唯有一柱衆梁皆共此柱

張華博物志

百梁

元鼎二年春起百梁臺服虔注曰用百梁作臺因名之

漢書

詩

世祖功臣三十六雲臺爭似釣臺高

范文

楚岸收新雨春意

引細風高臺向蒼陂六月風日冷蒹葭離披去天水相與

永江通一柱觀日落望鄉臺

並杜甫

有少園池僅蔬竹無多

屋宇欠樓臺

瓜圃

有官居鼎鼐無地起樓臺

冠公

鳳凰臺上

鳳凰遊鳳去臺荒江自流

時大

直須臺上望始奈月明何

之花月樓臺近九衢清歌一曲倒金壺

鄭谷

誰栽篁竹抱空

臺臺上煙雲晝未開只有山僧向人說梅山曾此煉丹來

約

晚家山辜負小亭臺

嶽降

更小亭闌花自好儘荒臺樹景纔

真

擊磨

蓬萊不可到弱水三萬里中有妙高臺雲象峯自孤起

臺中老比丘碧眼照葱几

八境見畫圖鬱孤如舊遊山為

翠浪湧水作玉虹流日麗崆峒曉風酣章貢秋丹青未變葉

鱗甲欲生洲嵐氣昏晨樹灘聲入市樓煙雲侵嶺路草木半

炎州故國千崖外高臺十日留他年二宿處準擬繫孤舟

東坡





